

清夢外史精

卷一百九十九並卷一百七十

弟
八
十
九
冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百六十九

光緒二十九年正月至二月

目錄

福州將軍崇善閩督許應騫致外部三都係自開口岸有收碼頭捐

之權電

正月初四日

電政督辦盛宣懷致外部美水線公司請准將水線在滬上岸電

初

八日

外部致川督岑春煊英礦添列五處應照章納稅電

初九日

外部致署川督陳璘英礦落地稅不可作爲懸案現擬辦法兩端電

十三日

外部致陳璘英派川領應作爲重慶領事仍希力駁電

十三日

清季外交史料卷一六十九 目錄
外部致伍廷芳稅金按磅數折銀望詳籌辯論電十四日

使英張德彝致外部瀾侯言關稅照金價申算萬難允從電十四日

鐵路督辦盛宣懷致外部駁覆道勝滬行請將正太路暫用窄軌電

十五日

新撫潘效蘇致外部俄領以保護信差在色勒庫派兵數名擬租與

民房電二十日

外部致蔡鈞廕昌賠款關稅均照金磅核算幸申辯電二十日

外部致張德彝稅金係抵補賠款務向英廷婉勸電二十日

外部奏遵議浙江紳商承辦礦務改定章程摺
附改定寶昌公司礦務章程二十日

呂海寰伍廷芳致外部日約請開口岸多處擬自開電二十一日

滬道袁樹勛呈外部八國賠款請給零票容再催詢電二十一日

外部致盛宣懷正太路軌樸科第亦謂宜用窄軌電二十四日

外部致鄂督端方湘撫俞廉三醴湘路卽係萍鄉至長沙運煤鐵路

應彈壓保護電二十四日

外部致呂伍兩使日索口岸預指四處應扼定自開電二十四日

署江督張之洞致外部各國用金我獨用銀自多喫虧請籌示電二

十六日

外部致粵督德壽法使稱東興芒街日加變亂請速籌辦電

二月初一日

鐵路督辦盛宣懷致外部澤浦路運煤費重擬函致怡和從速測勘

電初三日

外部致崇善閩廠代法公司造船希飭遵限造竣電初四日

鐵路督辦盛宣懷致樞垣擬將通商銀行商股改作萍礦股本以濟

鐵廠之急電初十日

直督袁世凱奏英商依據私約侵佔開平礦產請飭切實聲明以復

疆土而保利權摺附合同十八日

外部致呂伍兩使稅則畫押應囑駐滬瑞那領事轉達該國政府電

二十一日

使法孫寶琦致外部已告法外部助我廣灣設關電二十五日

川督岑春煊致外部蓬溪油礦當設法自辦電二十七日

清季外交史料卷一百六十九

男希隱亮編

黃巖弢夫王彥威輯

孫孝章敬立校

福州將軍崇善閩督許應騷致外部三都係自開口岸

有收碼頭捐之權電

艷電祇悉此案前奉咨達曾經轉行該口稅司歐森查覆茲據申稱三都係自開口岸照完碼頭捐應有自主之權與天津約開口岸當異自開埠至今各國無特派領事駐紮三都惟日本令福州領事兼管英國亦然今別國並無爭及碼頭捐者英使所請退還怡和款後不再徵未

便允許倘欲變通各國領事亦可充作工程局董中國與各領事平權會辦等語再此項碼頭捐開收至今共銀六千九百七十兩惟建造各費值銀四千九百兩尙有未完工程不在此內除另文咨呈外謹奉前因特先會同電請鈞裁

正月初四日

電政督辦盛宣懷致外部美水線公司請准將水線在

滬上岸電

紐約太平洋商務水線公司函稱請俯允於上海或附近上海之處准將水線上岸並傳遞電報此線係由小呂宋接放以便與現在敝公司擬設之舊金山至小呂宋水線相接敝公司稔知大東北兩公司在中華得有辦理水線之權故已將此事函商該兩公司懇其允准想可應

允以便敝公司將應用之水線趕緊製造等語查光緒八年英法德美各使請在滬設萬國電報公司擬添由滬至香港各口海線英署使格維納並援同治九年總署已允成案添設自上海至寧波温州福州廈門汕頭各口海線李中堂奏派宣懷招商自造南北陸線責成堅拒當時粵滬僭造之上岸陸線只准其水線至閩滬口外爲止而我華線亦得至香港設局嗣俄請接造恰線命商籌款造成不准俄線入界先訂三公司齊價合同又與丹英法訂接線合同交涉始定並得分收水線出洋報費爲一大宗今美線來滬中美交好勢難拒絕似應查明大東北水線合同妥籌辦法以保利權

正月初八日

外部致川督岑春煊英礦添列五處應照章納稅電

清季外交史料卷一六九
歌陽電均悉英礦添列越甯計五廳州縣均隸寧遠將來不得換擇他處自可照准惟落地稅值百抽五以滇蜀各約爲例查滇章有報効京銅一項是以從輕納稅法辦蜀礦時稅章未定暫以值百抽五科稅仍聲明將來訂定稅章該公司亦應遵照此次英約在訂定稅章以後應令照章納稅如將來稅章改輕英公司亦當從輕完納約內不妨預爲聲明至麻哈延聘礦師先與英商一條未便照允希再力與磋商以期就範並將英領添改各條詳晰電覆

正月初九日

外部致署川督陳璠英礦落地稅不可作爲懸案現擬
辦法兩端電

蒸電悉落地稅既不允增斷不可以將來由部核定一語作爲懸案緣

德辦山東礦亦以抽稅一條請歸部議先將各款畫押經本部迭次辯駁全約迄未訂定川若允英德必藉口現擬辦法兩端一約內不提稅數但云照部章完納仍聲明如將來部章減輕英公司亦可從輕納稅一約內姑允值百抽五尊處陽電謂英約遷就尙屬有因即將因何遷就之意於約內切實聲敘以免他國效尤其餘各款如磋商不允尙可照准統希酌商電覆

正月十三日

外部致陳璠英派川領應作爲重慶領事仍希力駁電

蒸電悉英派謝領駐川經本部駁覆應作爲重慶總領事該使覆稱已電政府照允謝領封還照會殊屬強辯至法派總領暫在滇省商辦鐵路事宜已由總署聲明不作爲允許設立總領事等官在該處省城之

據彼亦難以藉口近日英派新領赴滇即稱爲思茅總領事與謝領之稱重慶事同一律仍希尊處據此力駁以杜效尤一面由本部照知英使正月十三日

外部致伍廷芳稅金按磅數折銀望詳籌辯論電

尊函誦悉深佩盡籌惟賠款公斷必須兩造允願如彼意不願即無從辦理至謂若不得直再向各國商減恐更爲難又所論關稅納金一節與本部現擬辦法未合按公約允我切實值百抽五所謂值者在外國原爲鎊數至中國乃折合爲銀故遇鎊貴則其所值銀數亦必增關稅亦應隨之而增譬如物值六十先令抽五應得三先令稅則定爲銀一兩今因鎊貴徵銀一兩纔合二先令二本土是與切實抽五之義不

符應令所納銀數足抵三先令乃爲切實現擬辦法凡稅則所載銀一兩者皆視作三先令此即定約時之價載在公約者也至鎊價逐日有漲落擬每一月折取其中數每月底由海關牌示爲下月完稅者以銀合鎊之定數俾法簡而易行此即切實抽五之原議也照此辦法以現時二先令二本土之價計之稅則銀一兩者可收一兩三錢八分有奇況日後如加稅至抽十二五亦照此切實計算所益更大望詳加籌計申明辯論事若有成大局幸甚此電並請轉達香帥 正月十四日

使英張德彝致外部瀾侯言關稅照金價申算萬難允

從電

發三十電後屢向英外部催覆刻准瀾侯覆稱關稅照金價申算一節

萬難允從其故有四一中國商務英佔十分之六而英攤得之賠款只百分之十一有零得失懸殊二稅照金價必漲進口貨必少中國獲益難如所望三關稅漲落無定商人無從預計商局必受其害四關稅收金而不償以別項利益各處英商必將譁然而阻新約加稅免釐之款此乃最爲難之處是以所議不能允從然北京政府若另有他議本政府亦願和衷商辦已照飭駐京署使矣等語謹撮要電達正月十四日

鐵路督辦盛宣懷致外部駁覆道勝滬行請將正太路

暫用窄軌電

據道勝滬行佛威郎函稱正定至太原支路山道崎嶇地質較雜不宜安設寬軌工程司繪圖擬用一法尺

合華尺三
尺三寸

窄軌因新約未載專函聲

明等語已覆其正太係盧漢支路支幹必須一律礙難照准該行又來面議開辦之初因山洞工艱應先造窄軌惟土工橋工均預備寬軌俟得利後展寬法國有此辦法又駁以通國軌道尺寸宜劃一正太非小路可比且議訂合同時並未提及一語豈容更變佛威郎自認前未聲明之錯允即照覆璞科第乞晤璞時再爲開導不勝盼禱 正月十五日

新撫潘效蘇致外部俄領以保護信差在色勒庫派兵
數名擬租與民房電

昨奉函示張大臣函據英員馬繼業條陳俄人在色勒庫駐兵非宜一節查此事由於英員派人住色城傳遞信件無地棲止商由喀道飭駐色防營督修民房二間租給居住俄領事亦以保護俄國信卒藉口派

弁兵數名前往直欲撥給地基自行修建房屋屢經喀道以無此約章
堅未允行並許做英信卒辦法由我督修民房租與之住前後情形上
年九月已由前撫咨明大部在案奉示電詢喀道覆稱前事屢與磋磨
始無自建之說惟官督民修須春融興工俄現駐彼處共弁兵僕從約
十人等語此事亦爲英俄相忌而起容與喇期庫穆租地一案併爲詳
細緘陳外先此電聞

正月二十日

外部致蔡鈞廕昌賠款關稅均照金磅核算幸申辯電

敬電悉關稅照金鎊申算即係切實值百抽五辦法蓋洋貨成本是鎊
貴則貨值銀數必增稅亦應隨之而增乃切實以現在鎊價較議約時
三先令之價核計稅則既不足抽四約載承擔保票之財源首列切實

抽五一款賠款若照金算稅則即應照金算證諸公約事同一律不得謂爲無涉幸本此意剴切申辯日德鄰誼素敦當能助成此舉

正月二十日

外部致張德彝稅金係抵補賠款務向英廷婉勸電

瀾侯所稱各節以商務多賠款少計較得失不知增稅雖取之洋商實則所增必加入貨價仍出自華民謂貨價漲則進口稅必少亦不盡然近年鎊價奇貴於昔而進口貨反倍增於昔此視乎商務之開通與否不關乎貨價之漲落也謂關稅漲落無定商人無從預計鎊價漲落亦無定商人又何從預計新訂商約英商獲益不少稅金於貨之成本所增不過百分之一二若因是遂阻加稅似非平允況加稅係抵補免釐稅金係抵補賠款義各有屬務再向英廷婉切勸導並告以此照約內